



BELIEVERS EASTERN CHURCH WORLD HEADQUARTERS

Office of the Metropolitan, St.Thomas Community, Kuttapuzha P.O., Thiruvalla-689103 Kerala, India.

NIRIKGIPANI CHITI

October/November 2024

Patianiko aganan baksana, pagipa Degipa aro Gisik Rongtalgipani bimungo pilak Archbishoprangna aro Bishoprangna Kamalrangna aro Deaconrangna, Aganprakgiparangna, an-tantangko on-kange dangdike on-enggipa noabirangna, aro dingtang dingtang ia a-gilsakni bako dongenggipa Believers Eastern Churchni kakketgipa bebera-gipa sakantinan salamko on-a.Amen!✠

Kristoo angni ka-saarang,

Jedake pilakni karirang gnang, uandaken mondolirangba dakbaaha. Jedake an-chingni bilsigimiko gisikni gita songreanirang gang, re-jitani, dingtang dingtang manianirang, okumu chake bi-ani, aro okkria cha-asigiparangna on-e dakchakani, ia pilakkon an-chingni mondolirangko bilakatna aro Kristo gita ong-aniko nikna gita dakaha. Jedake an-ching Abachenga 8:22-ko poraiaha. “A-a dongenga dipetna, ge-ani aro raani, sin-a aro dinga, wachi aro a-rak, sal aro wal, iarang chon-jawa”. Uandaken ua karirangara an-chingna boja ong-ja indiba patianisa ong-a. Iarangan an-chingni bebera-ani aro saki on-anio ning-tue bilakbataniko on-a.

November jaara gitalgipa Liturgy-ko a-bachengani ong-a, apsandake krismas-ni karirango maniani somoiko a-chengani somoiba ong-a. Ia somoion batanggimin bilsirango chu-sokgijanirangko nipiltaie mikkangchina gisikni gita nisanko done re-mikanganani aro dakaniba ong-a. Haida na-a sastro poraianio chu-sokjanaba gnang, giljarangchi re-anio aro gisikni gita aratanio ga-akengnaba gnang. Uni gimin ua pilakko janggalchi done gital re-mikkanganiko dakbo aro Divine Liturgy-ko dake pangnan olakianio bakko ra-bo aro Gitelni Rongtalgipa Miattamko ra-bo. Isolni nang-na on-gimin changa sapaniko jakkale Uni an-chingna on-gimin mondoliko name saksa sakgipinna ka-sagrikanio rikbo. Pangnan nokdango bi-aniko dingchike ra-bo aro mondolio dangdike on-aniko bimchipe ra-bo.

Ma-gipa pagiparang, na-simangni dedrangko mondolini calendar-ko jakkalna skichina gita anga na-simangko didianiko on-engga, uamangna okumu chake bi-ani aro okkria cha-asigiparangna dangdike on-aniko dakani chadambe ong-ani gimin uamangna rakbeani ong-gen, Uni gimin uamangni gisikni gita janggi tangna a-bachengania noktanganonin ong-a. Chadamberangna anga Watata Paul-ni agangipa kattako janapna gita sikenga: “ Pilakba nang-ni pante ong-aniko chonnikjachina, indiba kattao, cholono, ka-sao, bebera-anio, Rongtalanio, bebera-giparangna me-sokani ong-bo,” (1 Timothy 4:12)

Jedake an-ching kristoo ia Gitalgipa bilsini calendar-ko a-bachenggon, hai somoiko chu-sokatgipa mangmang ong-aijana, indiba an-tangtango on-kangtaianiko dakna gita kangkareko kana. An-chingni dongimin niamrang, a-gilsakni kusinirangko jegale, Isolni ka-saani aro Uni bilo ja-dilko su-ate, mandeni bilchi ong-gija hai apsan ia karirangko pilak manina nangenggiparangko manie namgipa dakmesokaniko dake apsan Kristoo beensan ong-e dal-roro silrorona.

Anga Watata Paul-ni bi·ani baksa bakrime na·simangna bi·a, bebera·achi kristoo maikai na·simangni ka·tong donggen; aro, ka·saon ja·dil su·e aro japang rake, pilak rongtalgiparang baksa na·simang maikai apala, aro ro·a, aro ningtua, aro chuako rim·na, aro Kristoni ui·sokgipa ka·saaniko ui·na bilakgen, na·siamang maikai Isolni gapataniona gapataniko man·gen” (Ephesus 3:17-19). Tosokna ampilgijagipa Isolni bilni kam ka·ani an·chingni gisepo ong·china, indake an·chingni janggi tanganichi A·gilsak gimiko aro mondolio pilak Gitelna dangdike on·e janggi tangko on·kanggipa aro Gitel Jisuni ma·gipa Mariam pilaknan ra·song pangnan ong·china. Amen✠.

Kristoo Na·simangni Pgipa



Moran Mor Samuel Theophilus
Metropolitan

Dated : 25 October 2024

Place : World Church Headquarters

